

कदुआ भाई कै बरात



जब कदुआ जी कै चली बरात

भाई बतासन कै बरसात

बैंगन कै गाड़ी बनवाईन

वहि पै बैठे कदुआ राजा

शलजम औ पियाज मिलिकै

दूनौ खूब बजायिन बाजा

मेथी ,पालक ,भिन्डी ,तोरई

टिंडा ,मूरी .गाजर

बने बराती नाच देखावै

आलू ,मटर ,टमाटर

कदुआ भाई मुस्की मारय

लौकी दुल्हिन लायिन

कटहर और करैला भैया

चाट पकौड़ा खायिन

नींद खुली तौ समझ मा आवा

सपने मा घूमेन यह बारात



अभ्यास

- बरात आवै पै का का होत है
- बरात मा कौन बाजा बाजत हैं
- तुम कब्बौ कोनौ सपना देखेव है ,सपना मा का कया देखेव रहे
- तुम कब्बौ कोनौ बरात गये हौ
- बरात मा तुम का खाए रहेव ?
- कीके साथे नाचे रहेव ?
- बरात मा और का का किहे रहेव ?